



Bosna i Hercegovina  
Federacija Bosne i  
Hercegovine  
Tuzlanski kanton  
Općina Lukavac  
Općinsko vijeće

---

01-02-1-1414/15  
Lukavac 04.01.2016

Na osnovu člana 7. stava 2. Zakona o proračunima-budžetima u Federaciji Bosne i Hercegovine ("Sl.novine FBiH" br. 102/13, 9/14, 13/14, 8/15 i 91/15) i člana 99. Statuta općine Lukavac – prečišćeni tekst ("Sl.glasnik općine Lukavac", br. 5/08 i 1/14 ) Općinsko vijeće općine Lukavac, na 34. redovnoj sjednici održanoj dana 29.12.2015. godine, donosi

## **ODLUKU**

### **o izvršenju Budžeta općine Lukavac za 2016. godinu**

#### **I OPĆE ODREDBE**

##### **Član 1.**

Ovom odlukom uređuje se način izvršenja Budžeta općine Lukavac za 2016. godinu (u daljem tekstu: "Budžet"), upravljanje prihodima i primicima, rashodima i izdacima, prioriteti plaćanja, zaduživanje Budžeta, prava i obaveze korisnika budžetskih sredstava te druga pitanja u izvršavanju budžeta.

##### **Član 2.**

Budžet se sastoji od Općeg i Posebnog dijela i kapitalnog budžeta.

Opći dio Budžeta sastoji se od Računa prihoda i rashoda, Računa kapitalnih primitaka i izdataka i Računa finansiranja.

Posebni dio budžeta se sastoji od plana rashoda i izdataka budžetskih korisnika raspoređenih u tekuće izdatke i kapitalne investicije za tekuću budžetsku godinu.

U bilansu prihoda, primitaka, rashoda i izdataka iskazuju se porezni i neporezni prihodi, tekući i kapitalni grantovi, kapitalni primici i izdaci za finansiranje javnih rashoda na području općine Lukavac utvrđeni Zakonom i drugim općim aktima.

Kapitalni budžet čine izdvajanja za kapitalne investicije po godinama i izvorima finansiranja.

*U računu financiranja iskazuju se primici od finansijske imovine, primljeni krediti i zajmovi, te izdaci za finansijsku imovinu i otplatu kredita i zajmova.*

### **Član 3.**

*Budžet je procjena godišnjih prihoda i primitaka, te utvrđenih iznosa rashoda i izdataka i drugih plaćanja općine Lukavac, koji donosi Općinsko vijeće općine Lukavac.*

### **Član 4.**

*Budžet se donosi i važi za fiskalnu 2016.godinu ( u daljem tekstu:fiskalna godina).*

*Fiskalna godina počinje 1.januara, a završava 31.decembra 2016.godine.*

### **Član 5.**

*Budžetski korisnici su:*

- 1. Službe unutar jedinstvenog organa uprave,*
- 2. Općinsko vijeće,*
- 3. Općinsko Pravobranilaštvo*
- 4. Služba za operativno tehničke poslove.*

### **Član 6.**

*Svi rashodi i izdaci moraju biti utvrđeni u Budžetu i uravnoteženi s prihodima i primicima.*

*Ako se u toku budžetske godine zbog nastanka novih obaveza za budžet ili promjena privrednih kretanja povećaju rashodi i/ili izdaci, odnosno smanje prihodi i/ili primici budžeta načelnik općine može na prijedlog Službe za budžet i finansije donijeti odluku o obustavljanju izvršenja pojedinih rashoda i/ili izdataka u trajanju 45 dana.*

*Ako se za vrijeme provođenja mjera privremene obustave izvršenja budžeta budžet ne može uravnotežiti, vrše se izmjene i dopune budžeta.*

*Izmjene i dopune budžeta vrše se po istom postupku koji se primjenjuje kod donošenja budžeta.*

### **Član 7.**

*Priliv sredstva u budžetu koji se realizuje tokom godine, a koja imaju namjenski karakter, evidentirat će se u prihodima Budžeta po namjeni i vrsti.*

*Namjenski prihodi i primici uplaćeni u iznosu manjem od planiranog u budžetu, korisnik može preuzeti i plaćati obaveze samo u visini stvarno uplaćenih, odnosno raspoloživih sredstava.*

*Uplaćene i/ili prenesene a manje planirane pomoći, donacije i prihodi za posebne namjene, mogu se izvršavati iznad iznosa planiranih u budžetu a*

do visine uplaćenih, odnosno prenesenih sredstava prema odlukama općinskog načelnika a na prijedlog budžetskog korisnika.

Samo naplaćeni prihodi u fiskalnoj godini su prihodi te godine.

## **II IZVRŠAVANJE BUDŽETA**

### **Član 8.**

Sredstva Budžeta osiguravaju se budžetskim korisnicima koji su u posebnom dijelu Budžeta određeni za nosioce sredstava na pojedinim pozicijama.

Budžetski korisnici sredstava koriste samo za namjene koje su određene Budžetom i to do visine utvrđene u njegovom Posebnom dijelu.

### **Član 9.**

Budžet se izvršava u skladu sa ostvarenim prihodima, po principu likvidnosti, a prioriteti u izvršenju budžeta su:

- servisiranje kredita i kamata,
- sudska izvršenja u skladu sa planiranim sredstvima u budžetu.
- tekući izdaci za bruto plaće i naknade plaća zaposlenih, naknade troškova zaposlenim  
budžetskim korisnicima iz Člana 5 ove Odluke,
- naknade vijećnicima za rad u Općinskom Vijeću,
- izdaci za materijal, usluge i radove,
- transfer mjesnim zajednicama i
- transfer javnim ustanovama iz Člana 37 ove Odluke,
- ostalo

### **Član 10.**

Korisnici budžeta su obavezni pridržavati se planiranih iznosa utvrđenih po pojedinim pozicijama u budžetu.

Realizacija sredstava iz stava 1. ovog člana vršit će se na osnovu operativnih planova odobrenih od strane općinskog načelnika, a sačinjenih od nadležne Službe – Budžetskog korisnika, u formi i u odnosu na instukciju koju definiše Služba za budžet i finansije.

Instrukciju za izradu prijedloga operativnog plana definiše Služba za budžet i finansije do sredine mjeseca, a za naredni mjesec.

Budžetski korisnik dostavlja operativni plan Službi za budžet i finansije najkasnije do dvadesetog dana u mjesecu za naredni mjesec.

Operativni plan se odobrava krajem mjeseca za naredni mjesec.

Istom dinamikom se definišu i kvartalni planovi.

### **Član 11.**

Za tekuće izdatke, budžet će se izvršavati u skladu sa prilivom sredstava, prenosom sredstava na račune korisnika otvorene u skladu sa zakonom i drugim općim aktima po prioritetima iz člana 9. ove Odluke u visini potrebnih sredstava za izmirenje mjesečnih obaveza.

*Po podmirenju prioriteta iz člana 9 ove Odluke, ostatak sredstava rasporedit će se, srazmjerno prilivu sredstava, na ostale korisnike sredstava.*

*Iznimno, zbog nedostatka priliva sredstava u Budžet, Načelnik općine Lukavac (u daljem tekstu: «Općinski načelnik») može izmijeniti dinamiku doznake sredstava pojedinim korisnicima, ne narušavajući pri tome prioritete utvrđene, članom 9 ove Odluke.*

*Zatečena sredstva iz prethodne godine na računima mogu se realizovati za izmirenje ukalkuliranih i tekućih obaveza kao i za deficit iz ranijeg perioda.*

## **Član 12.**

*Postupak nabavke roba, radova, stalnih sredstava i vršenja usluga vršit će se u skladu sa Zakonom o javnim nabavkama ("Službeni glasnik BiH", br. 39/14 ).*

## **Član 13.**

*Budžetski korisnici odgovorni su za potpunu i pravovremenu naplatu prihoda i primitaka iz svoje nadležnosti. Budžetski korisnik je dužan provesti sve zakonom propisane radnje radi naplate potraživanja.*

*Prihodi koje svojom djelatnošću ostvare Službe jedinstvenog organa uprave sastavni su dio Računa prihoda i uplaćuju se na depozitni račun javnih prihoda budžeta.*

*Budžetski korisnici odgovorni su za zakonito, namjensko, efikasno i ekonomično raspolaganje budžetskim sredstvima, efikasno i uspješno funkcionisanje sistema finansijskog upravljanja i kontrolu u okviru budžetom utvrđenih sredstava.*

## **Član 14.**

*Ne utrošena sredstva zatečena na računima na dan 31.12.2015.godine čija je namjena utvrđena Zakonom o zaštiti i spašavanju ljudi i materijalnih dobara od prirodnih i drugih nesreća ( «Sl.novine FBiH», broj 39/03 i 22/06 i 43/10), kao i naknada za izgradnju i održavanje javnih skloništa koristiće se kao izvor za tekuću budžetsku godinu.*

## **Član 15.**

*Općinski načelnik, na prijedlog budžetskog korisnika, može donijeti odluku o preraspodjeli rashoda u okviru ukupnog iznosa odobrenog za budžetskog korisnika, najviše do 10% ukupno odobrenih rashoda za budžetskog korisnika. Općinski načelnik iznimno može odobriti preraspodjelu sredstava, u okviru odobrenog budžeta između budžetskih korisnika, o čemu je dužan obavijestiti Općinsko vijeće kroz redovno izužestavanje.*

*Prestrukturiranje iz stava 1 ovog člana može se odobriti po vrsti rashoda kako slijedi:*

- tekući izdaci po osnovu plaća, naknada, izdaci za materijal i usluge,*

- tekući transferi i plaćanje kamata,
- subvencije, pomoći i naknade,
- kapitalni transferi
- kapitalni izdaci.

### **Član 16.**

*Korisnici doznačenih transfera dužni su dostaviti budžetskom korisniku izvještaj o namjenskom utrošku sredstava.*

*Izvještaj o utrošku sredstava korisnici dostavljaju Službi u okviru koje su predmetna sredstva planirana, u skladu sa usvojenom Lokalnom demokratijom (u daljem tekstu LOD), metodologijom i usvojenim pravilnicima, u formi čiji oblik i sadržaj utvrdi nadležna Služba.*

*U slučaju da korisnici ne dostave izvještaj o namjenskom utrošku sredstava neće imati pravo aplicirati za dodjelu sredstava u narednoj fiskalnoj godini*

### **Član 17.**

*Sredstva utvrđena u razdjelu 10, potrošačka jedinica 101, pozicije: "Naknade vijećnicima za rad u Vijeću", "Naknade komisijama i drugim tijelima Općinskog vijeća" doznačavat će se Općinskom vijeću i isplaćivat će se vijećnicima i članovima komisija na osnovu propisa koje donosi Općinsko vijeće.*

*Sredstva utvrđena u razdjelu 10, potrošačka jedinica 101, pozicija «Naknade izbornoj komisiji i troškovi izbora» doznačavat će se na osnovu podnesenog zahtjeva, na račun Izborne komisije direktno sa transakcijskog računa budžeta općine Lukavac.*

*Sredstva utvrđena u razdjelu 10, potrošačka jedinica 101, pozicija «Transferi parlamentarnim grupama u OV» rasporedit će se u skladu sa posebnom Odlukom Općinskog vijeća, a doznačavat će se na račun Općinskog vijeća koje će ista isplatiti krajnjem korisniku, tj. parlamentarnim grupama.*

### **Član 18.**

*Sredstva utvrđena na pozicijama: "Bruto plaće i naknade", "Naknade troškova zaposlenim" i "Doprinosi poslodavca" izvršavat će se na osnovu zakonskih propisa koji regulišu odgovarajuću oblast, Pravilnika o plaćama, naknadama i drugim materijalnim pravima koja nemaju karakter plaće, Odluke o utvrđivanju plaće funkcionera koje bira ili imenuje Općinsko vijeće i Odluke o utvrđivanju plaće općinskog načelnika.*

### **Član 19.**

*Sredstva utvrđena u Budžetu na odgovarajućim analitičkim pozicijama izdataka za materijal i usluge izvršavat će se direktnim plaćanjima sa transakcijskog računa i računa za posebne namjene općine i na druge načine u skladu sa propisima o finansijskom poslovanju.*

## **Član 20.**

*Sredstva utvrđena u razdjelu 11, potrošačka jedinica 112, «Izdaci za volontere za osiguranje za slučaj ozljede na radu i profesionalne bolesti» i pozicija «Izdaci za volonterski rad» izvršavat će se po osnovu ugovora o volonterskom radu.*

## **Član 21.**

*Sredstva utvrđena u razdjelu 11, potrošačka jedinica 112, „Transfer institucijama za prijem volontera“ izvršavat će se prenosom sredstava zainteresovanim institucijama i drugim pravnim licima sa kojima je potpisan ugovor o prijemu volontera za odrađivanje volonterskog rada.*

*Sredstva su planirana u skladu sa pozitivnim Zakonskim i podzakonskim propisima koji regulišu ovu oblast.*

## **Član 22.**

*Sredstva utvrđena u razdjelu 11, potrošačka jedinica 112, pozicija „Humanitarne, vladine i nevladine organizacije i JP – memorandum, ugovori i sporazumi“, „Savez općina i gradova Federacije BiH“, „Tekući transfer za oblast nauke“ i izvršavat će se pojedinačnim Odlukama općinskog načelnika prenosom sredstava na račun korisnika.*

*Sredstva utvrđena u razdjelu 11, potrošačka jedinica 112, pozicija «Naknada za povrat više uplaćenih, pogrešno uplaćenih sredstava» izvršavat će se na osnovu rješenja, zaključaka koje donose nadležne Službe i Odluka općinskog načelnika.*

## **Član 23.**

*Sredstva utvrđena u razdjelu 13, potrošačka jedinica 131, pozicija „Izdaci za sudska izvršenja“ kao i „Zatezne kamate i troškovi spora“ (rezervisanja po Zakonu o izvršnom postupku), izvršava banka na osnovu rješenja o izvršenju koja im dostavljaju SUD-ovi.*

*Sredstva utvrđena u razdjelu 13, potrošačka jedinica 131, pozicija „Izdaci za sudske i vansudske nagodbe“ izvršavat će se na osnovu potpisanih sporazuma od strane pravobralilaštva i odluke općinskog načelnika.*

## **Član 24.**

*Sredstva utvrđena u razdjelu 11, potrošačka jedinica 114, pozicija "Transferi za MZ-e", izvršavat će se u jednakim mjesečnim iznosima prenosom na žiro račune mjesnih zajednica, a visinu mjesečnog iznosa utvrdit će Općinski načelnik posebnom odlukom.*

## **Član 25.**

*Sredstva utvrđena u razdjelu 11, potrošačka jedinica 114, pozicija "Sredstva za fizičku kulturu", raspoređivat će se na:*

- *Sportski savez općine Lukavac i Savez za sport i rekreaciju invalida općine Lukavac*
- *Transfere za manifestacije i klubove od općeg interesa,*
- *Učešća na međunarodnim manifestacijama izvan BiH,*
- *Transfere za sportske memorijalne i ostale turnire,*
- *Vanredne projekte u oblasti sporta,*
- *Javne pozive u oblasti sporta.*

*Sredstva će se doznačavati krajnjim korisnicima na prijedlog nadležne Službe a na osnovu usvojenog Pravilnika o kriterijima načinu raspodjele sredstava za programe i projekte iz oblasti sporta koji se finansiraju ili sufinansiraju sredstvima budžeta općine Lukavac, i po principima usvojene LOD metodologije, a na osnovu Odluke općinskog načelnika u skladu sa prilivom sredstava u budžetu.*

## **Član 26.**

*Sredstva utvrđena u razdjelu 11, potrošačka jedinica 114, pozicija „Sredstva za kulturu“ raspoređit će se na:*

- *Manifestacije od općeg interesa,*
- *Podrška KUD-ovima i JU,*
- *Dani općine Lukavac i manifestacije od općeg interesa,*
- *Javni poziv za realizaciju projekata Organizacije civilnog društva (u daljem tekstu OCD).*

*Sredstva će se doznačavati krajnjim korisnicima na prijedlog nadležne Službe a na osnovu usvojenog Pravilnika o kriterijima načinu raspodjele sredstava za programe i projekte iz oblasti kulture koji se finansiraju ili sufinansiraju sredstvima budžeta općine Lukavac, i po principima usvojene LOD metodologije, a na osnovu Odluke općinskog načelnika u skladu sa prilivom sredstava u budžetu.*

## **Član 27.**

*Sredstva utvrđena u razdjelu 11, potrošačka jedinica 114, pozicija "Stipendije studentima i učenicima" raspoređit će na korisnike Općinski načelnik nakon provedenog konkursa u skladu sa posebnim kriterijima, utvrđenim Odlukom Općinskog vijeća.*

*Broj stipendija utvrđuje Općinsko vijeće u skladu sa visinom planiranih sredstava, na prijedlog Općinskog načelnika.*

*Sredstva utvrđena u razdjelu 11, potrošačka jedinica 114, pozicija "Nagrade učenicima generacije" raspoređit će na korisnike Općinski načelnik svojom Odlukom, na prijedlog nadležne Službe za učenike generacije proglašene od strane Javnih ustanova osnovnih i srednjih škola na području općine Lukavac.*

## **Član 28.**

*Sredstva utvrđena u razdjelu 11, potrošačka jedinica 114 pozicija « Podrška pri odbrani doktorske disertacije» rasporedit će Odlukom Općinski načelnik, na prijedlog nadležne Službe.*

## **Član 29.**

*Sredstva utvrđena u razdjelu 11, potrošačka jedinica 114, pozicija "Transfer za socijalne pomoći" rasporedit će se u skladu sa Pravilnikom JU Centar za socijalni rad.*

*Sredstva na poziciji "od toga: sredstva za bolničko i specijalističko liječenje neosiguranih lica općine Lukavac" realizovat će se putem JU Centar za socijalni rad na prijedlog nadležne Službe, a na osnovu odluke općinskog načelnika, u skladu sa prilivom sredstava u budžetu.*

*Odlukom općinskog načelnika sredstva će se doznačavati u skladu sa zahtjevom i prilivom sredstava u budžetu, uz podnešen izvještaj o prethodno utrošenim sredstvima.*

*JU Centar za socijalni rad odgovorna je za namjensko trošenje odobrenih sredstava.*

## **Član 30.**

*Sredstva utvrđena u razdjelu 11, potrošačka jedinica 114, pozicija „Transfer za pomoć firmama i sindikalnim organizacijama“ izvršavat će se na prijedlog nadležne Službe i pojedinačnih Odluka općinskog načelnika.*

## **Član 31 .**

*Sredstva utvrđena u razdjelu 11, potrošačka jedinica 114, pozicija „Sredstva nevladinim organizacijama od značaja“ koja se raspoređuju na: " HO Merhamet MDD“, „Dječije selo mira Turija“, centar za rehabilitaciju ovisnika o psihoaktivnim supstancama“ Izvor Smoluća“, kao i „Crveni križ – krst Lukavac“, Udruženje penzionera, udruženjima osoba sa invaliditetom, udruženje građana vatrogasnog društva „Amer Handanović“ Puračić, doznačavat će se na zahtjev korisnika putem predloženog projekta nadležnoj službi, a na osnovu Odluke općinskog načelnika, u skladu sa prilivom sredstava u budžetu.*

*Sredstva za „Podršku udruženjima osoba sa invaliditetom“ raspoređivat će se na udruženja osoba sa invaliditetom i putem vanrednih projekata a na osnovu usvojenih kriterija i usvojenom LOD metodologijom.*

*Korisnici sredstava su dužni nadležnoj službi dostaviti izvještaj o utrošku sredstava na obrascima koje utvrdi nadležna služba.*

## **Član 32.**

*Sredstva utvrđena u razdjelu 11. potrošačka jedinica 114, pozicija «Podsticaj mladima- komisija za pitanja mladih, kulturu i sport općinskog vijeća», raspoređivat će se na prijedlog Komisije za pitanja mladih,*



obrazovanje, kulturu i sport Općinskog vijeća, i nadležne službe a na osnovu kriterija koje donosi općinsko vijeće.

Sredstva utvrđena u razdjelu 11. potrošačka jedinica 114, pozicija «Sredstva nevladinim organizacijama u kategoriji sporazuma o partnerskim odnosima» raspoređivat će se na osnovu potpisanog Sporazuma o partnerstvu koji obavezuje općinu Lukavac na participativno učešće u implamentaciji projekata na području općine, na osnovu odluke općinskog načelnika.

Konačnu odluku o isplati sredstava donosi općinski načelnik shodno punjenju budžeta za tekuću godinu.

### **Član 33.**

Sredstva utvrđena u razdjelu 11, potrošačka jedinica 114, pozicije: «JU Centar za socijalni rad», «JU Centar za kulturu», «JU RTL», «JU Dječje obdanište Lukavac», «JU Javna biblioteka Lukavac», izvršavat će se podnošenjem mjesečnog trebovanja nadležnoj službi koja će iste unijeti u svoj operativni plan, a forma i sadržaj operativnog plana se utvrđuje posebnim Pravilnikom.

Korisnici iz stava 1. ovog člana obavezni su nadležnoj Službi podnijeti izvještaj o utrošenim sredstvima.

### **Član 34.**

Sredstva utvrđena u razdjelu 11. potrošačka jedinica 114, pozicija «međunarodni sajam turizma, lova i ribolova», rasporedit će se organizatoru na prijedlog nadležne Službe a na osnovu odluke Općinskog načelnika u skladu sa prilivom sredstava u budžetu.

Sredstva utvrđena u razdjelu 11. potrošačka jedinica 114, pozicija «Promocija općine na sajmovima» rasporedit će općinski načelnik na prijedlog resorne Službe direktno ili na osnovu usvojenog prijedloga nosioca prezentacije koji prihvati resorna Služba.

### **Član 35.**

Sredstva utvrđena u razdjelu 11, potrošačka jedinica 114, pozicija "Podsticaj poljoprivrednoj proizvodnji" rasporedit će pojedinačnim odlukama općinski načelnik na prijedlog nadležne Službe, a nakon provedene procedure, u skladu sa pozitivnim Zakonskim propisima koji regulišu ovu oblast, sa težištem na „Podsticaj poljoprivrednoj proizvodnji“ koji nisu obuhvaćeni Federalnim i Kantonalnim Pravilnikom o Podsticaju, a nadležna služba će napraviti Plan raspodjele sredstava u skladu sa zakonom.

Sredstva utvrđena u razdjelu 11, potrošačka jedinica 114, pozicija "poticaj zapošljavanju mladih, kroz organizovanje inkubator centra" rasporedit će pojedinačnim odlukama općinski načelnik na prijedlog nadležne Službe.

### **Član 36.**

*Sredstva utvrđena u razdjelu 11, potrošačka jedinica 115, pozicija "Sredstva za obezbjeđenje učesnika NOAR-a" isplaćivaće se u skladu sa aktom Službe za komunalno-stambene poslove, boračko invalidsku zaštitu i raseljena lica i važećom Odlukom Općinskog vijeća.*

### **Član 37.**

*Sredstva utvrđena u razdjelu 11, potrošačka jedinica 115, pozicija « Transferi pojedincima za troškove dženaza boraca i članova njihovih porodica, transferi pojedincima BIZ, transfer dobitnicima najvećih ratnih odlikovanja, sredstva od TK za nabavku udžbenika, sredstva od TK za liječenje boraca i članova njihovih porodica, izvršavat će se prenosom na tekuće račune korisnika, na osnovu rješenja nadležnog Ministarstva za boračka pitanja TK i u skladu sa Zakonom o dopunskim pravima boraca i članova njihovih porodica i rješenjem Službe za stambeno komunalne poslove, boračko invalidsku zaštitu i raseljena lica .*

### **Član 38.**

*Sredstva utvrđena u razdjelu 11, potrošačka jedinica 115, pozicija "Transferi za boračke organizacije ", neophodna za rad i funkcionisanje boračkih organizacija, izvršavat će se prenosom na račune boračkih organizacija na prijedlog nadležne Službe a na osnovu Odluke općinskog načelnika u skladu sa prilivom sredstava u budžetu.*

*Sredstva za obilježavanje dana invalida, za nabavku paketa i obilježavanje dana armije, doznačiće se na račune boračkih organizacija Odlukom općinskog načelnika. Boračke organizacije se obavezuju da nadležnoj Službi podnesu izvještaj o utrošku sredstava u skladu sa namjenom.*

### **Član 39.**

*Sredstva utvrđena u razdjelu 11, potrošačka jedinica 115, pozicija «Transferi za rješavanje stambene problematike boračke populacije» i pozicija «Transferi za liječenje boračke populacije», raspoređivat će se na osnovu zahtjeva, koje će u ime svog članstva podnositi boračke organizacije, nadležnoj Službi a na osnovu pojedinačnih Odluka općinskog načelnika u skladu sa prilivom sredstava. Odobrena sredstva će se doznačavati na račune boračkih organizacija, uz podnošenje redovnih izvještaja nadležnoj Službi.*

### **Član 40.**

*Sredstva utvrđena u razdjelu 11, potrošačka jedinica 115, pozicija «Subvencija JP Veterinarska stanica Lukavac» raspoređivat će se na osnovu zahtjeva podnesenog nadležnoj Službi, a na osnovu odluke općinskog načelnika u skladu sa prilivom sredstava u budžetu.*

Sredstva utvrđena u razdjelu 11, potrošačka jedinica 115, pozicija «sufinansiranje stambenih objekata za socijalne kategorije» i «sufinansiranje izgradnje regionalnog centra za osobe oboljele od autizma» raspoređivat će se na osnovu zahtjeva podnesenog nadležnoj Službi, a na osnovu odluke općinskog načelnika u skladu sa prilivom sredstava u budžetu.

Korisnici sredstava iz stava 1 i 2 ovoga Člana su obavezni nadležnoj službi dostaviti izvještaj o utrošku sredstava na obrascima koje utvrdi nadležna služba.

#### **Član 41.**

Sredstva utvrđena u razdjelu 11 potrošačka jedinica 115 na poziciji : "Zajednička komunalna potrošnja", „Realizacija projekta sanacije zatvaranja lokalne deponije stanica“ kao i u razdjelu 11, potrošačka jedinica 117 na poziciji: "Zajednička komunalna potrošnja", "Tekuće održavanje", «Projektovanje kuća i objekata infrastrukture, izrada glavnog projekta toplifikacije i ostalo, izrada idejnih rješenja, izrada prostor.planske dokumentacije, revizija i nadzor», «Subvencije JP Rad pod tačkom 2 i 3 », «Obnova stambenog fonda i podrška povratku», «Ostali infrastrukturni objekti po mjesnim zajednicama», «Projekti poboljšanja životnog standarda ROMA, obaveza iz 2014.g. HILSWERK», «Kapitalni transfer Dom zdravlja Lukavac», "Izgradnja drugih infrastrukturnih objekata:od tačke 1.0. do 1.14.“,“Industrijska zona“, „Proširenje i rekonstrukcija toplovodne mreže u Lukavac gradu“, « Izmirenje obaveza iz ranijeg perioda po osnovu kapitalnih izdataka», «Rekonstrukcija cesta», finansirat će se u skladu sa Strategijom razvoja općine Lukavac 2004 – 2020.god. i Odlukama koje donese općinski načelnik.

Sredstva iz stava 1 ovog člana usmjeravat će se u skladu sa ostvarenim prilivom sredstava u Budžetu po osnovu:

- Naknada za korištenje i uredjenje gradjevinskog zemljišta,
- Naknada od prirodnih pogodnosti,
- Naknade za puteve,
- Naknade za koncesije, naknada za eksploatac.mineral.sirovina,
- Primitaka od prodaje zemljišta,
- Kapitalnih potpora od viših nivoa vlasti i IPA fondova,
- Komunalne taxe od priključaka na vodovodnu, kanalizacionu i toplovodnu mrežu,
- Kredit putem EIB-a (Evropska investicijska banka).

#### **Član 42.**

Sredstva utvrđena u razdjelu 11, potrošačka jedinica 117, pozicija «Subvencija JP Rad za učešće u investiciji izgrađenog toplovoda od strane Elektroprivrede BiH» doznačavat će se JP Rad Lukavac na prijedlog nadležne Službe a na osnovu Odluke općinskog načelnika u skladu sa prilivom sredstava u budžetu.

Sredstva utvrđena u razdjelu 11, potrošačka jedinica 117, ekonomski kod 614411, pozicija «Subvencija JP Rad Lukavac za uređenje prostora deponije za odlaganje otpada u MZ Huskići“ izvršit će se prenosom u korist JP

*„Rad“ Lukavac u skladu sa dinamikom izvođenja radova prema uputama iz Rješenja kantonalnog inspektora za zaštitu okolice, na prijedlog nadležne Službe a na osnovu odluke općinskog načelnika.*

*Obaveza JP Rad Lukavac je da podnese izvještaj o realizaciji utrošenih sredstava odobrenih u stavu 1 i 2 ovog člana.*

#### **Član 43.**

*Sredstva utvrđena u razdjelu 11, potrošačka jedinica 117, pozicija «Obnova stambenog fonda i podrška povratku», izvršavat će se na račune korisnika u skladu sa odabirom koji je izvršila komisija, na prijedlog nadležne Službe a na osnovu Odluke općinskog načelnika u skladu sa prilivom sredstava u budžetu.*

#### **Član 44.**

*Finansiranje kapitalnih investicija po mjesnim zajednicama realizovat će se na prijedlog resorne službe, u skladu sa „ Programom kapitalnih investicija općine Lukavac za period 2015.g. – 2017.godina“, a postupak će se sprovoditi na način definisan Članom 12 ove Odluke.*

#### **Član 45.**

*Sredstva utvrđena u razdjelu 11, potrošačka jedinica 117, pozicija “Podrška vjerskim zajednicama za rekonstrukciju i izgradnju vjerskih objekata” doznačavat će se vjerskim zajednicama na prijedlog nadležne Službe a na osnovu Odluke općinskog načelnika u skladu sa prilivom sredstava u budžetu.*

*Odgovornost za namjensko trošenje sredstava iz stava 1. ovog Člana snose ovlašteni predstavnici vjerskih zajednica.*

#### **Član 46.**

*Sredstva utvrđena u razdjelu 11, potrošačka jedinica 117, pozicija «Ekologija (uklanjanje divljih deponija» izvršavat će se korisnicima na prijedlog nadležne Službe a na osnovu Odluke općinskog načelnika u skladu sa prilivom sredstava u budžetu.*

#### **Član 47.**

*Sredstva utvrđena u razdjelu 11, potrošačka jedinica 117, pozicija “Kapitalni transferi JU Dom zdravlja Lukavac“, izvršavat će se korisniku na prijedlog nadležne Službe a na osnovu Odluke općinskog načelnika u skladu sa prilivom sredstava u budžetu.*

#### **Član 48.**

*Sredstva utvrđena u razdjelu 11. potrošačka jedinica 118, pozicija «Rješavanje imovinskih odnosa (za regulaciju Jale i ostalih imovinskih odnosa*

zemljišta i objekata)» izvršavat će se rješavanjem imovinsko pravnih poslova, sa troškovima nastalim prilikom postupka eksproprijacije, nakon provedene Zakonom propisane procedure, na osnovu Odluke Općinskog načelnika, prenosom na račune korisnika.

#### **Član 49.**

Sredstva utvrđena u razdjelu 11. potrošačka jedinica 117, pozicija «Proširenje i modernizacija ulične rasvjete» i „Rekonstrukcija cesta“ izvršavat će se u skladu sa planom realizacije koji će predložiti nadležna Služba u skladu sa planiranim i raspoloživim sredstvima u budžetu općine Lukavac.

Radovi na izgradnji putne mreže i ulične rasvjete započeti u 2015.godini koji nisu realizovani u planiranom ugovorenom obimu, zbog isteka građevinske sezone, nastaviće se početkom građevinske sezone u 2016.godini, a isti će teretiti pozicije iz stava 1 ovog člana, usvojenog budžeta za 2016.godinu.

#### **Član 50.**

Sredstva utvrđena u razdjelu 11, potrošačka jedinica 119, pozicija „8.8. Ostalo u skladu sa čl.184. Zakona o zaštiti i spašavanju ljudi i materijalnih dobara od prirodnih i drugih nesreća“, će se finansirati iz namjenskih sredstava prikupljenih u fiskalnoj godini po osnovu posebne naknade za zaštitu od prirodnih i dr.nesreća, a izvršavat će se u skladu sa zakonom o javnim nabavkama na osnovu Odluke Štaba Civilne Zaštite, Općinskog načelnika i nadležne Službe.

#### **Član 51.**

Sredstva utvrđena u razdjelu 11, potrošačka jedinica 119, pozicija «Rekonstrukcija skloništa» koristiće se po programu izgradnje i uređenja skloništa u skladu sa Zakonom.

#### **Član 52.**

Sredstva koja se prikupe u tekućoj godini, akumulirana a neutrošena sredstva iz prethodnih godina, kao i sredstva doznačena od viših nivoa vlasti, koristit će se po Godišnjem planu korištenja sredstava po osnovu posebne naknade za zaštitu i spašavanje od prirodnih i dr. nesreća, te u skladu sa Odlukama viših nivoa vlasti, u kojima je jasno definisana namjena doznačenih sredstava.

#### **Član 53.**

U slučaju nedovoljnog priliva izvornih prihoda i primitaka za finansiranje tekućih izdataka, Odlukom općinskog načelnika privremeno se mogu koristiti i prilivi od namjenskih sredstava iz člana 41, 51 i 52. ove Odluke, s tim da se njihov povrat izvrši najkasnije do kraja fiskalne godine.

#### **Član 54.**

*Sredstva utvrđena u razdjelu 13, potrošačka jedinica 131, pozicija "Izdaci za usluge vještačenja" isplaćivaće se Odlukom općinskog načelnika a na prijedlog Pravobranilaštva.*

#### **Član 55.**

*Sredstva tekuće rezerve planirana u budžetu koriste se za nepredviđene namjene za koje u budžetu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva jer ih pri planiranju nije bilo moguće predvidjeti.*

*Sredstva tekuće rezerve ne mogu prelaziti iznos od 3% ukupnih prihoda, isključujući namjenske prihode, vlastite prihode i primitke.*

*Sredstva tekuće rezerve ne mogu se koristiti za pozajmljivanje.*

*Korištenje ovih sredstava odobrava Općinski načelnik.*

*Svako korištenje tekuće rezerve objavljuje se u Službenog glasniku općine u roku od deset dana od dana donošenja odluke od strane općinskog načelnika.*

*Općinski načelnik izvještaj o utrošku tekuće rezerve dostavlja općinskom vijeću kao prilog izvještaju o izvršenju budžeta općine Lukavac u skladu sa planom i programom rada Općinskog vijeća.*

#### **Član 56.**

*Za izvršenje Budžeta odgovoran je općinski načelnik, a pomoćnici općinskog načelnika kao rukovodioci budžetskog korisnika odgovorni su u skladu sa potpisanom Izjavom o fiskalnoj.*

### **III ZADUŽIVANJE**

#### **Član 57.**

*Ovlašćuje se Općinski načelnik, da pod uvjetima i obimu propisanom Zakonom kojim se uređuje dug, zaduživanje i garancije u Federaciji može davati jemstva javnim preduzećima i drugim pravnim licima kojima je osnivač općinsko vijeće Lukavac u skladu sa Odlukama općinskog vijeća, uz zakonska sredstva obezbjeđenja za namirenje jemstva (ugovor o cesiji i mjenice).*

*Ugovore o zaduživanju Budžeta i izdavanju jamstva potpisuje Općinski načelnik.*

### **IV IZVJEŠTAVANJE**

#### **Član 58.**

*Služba za budžet i finansije je dužna dostavljati Općinskom načelniku, a Općinski načelnik dostavlja Općinskom vijeću Izvještaj o ostvarivanju*

*prihoda i primitaka i izvršenju rashoda i izdataka predviđenih Budžetom, u skladu sa Zakonom o Budžetima FBiH i programom rada Općinskog Vijeća.*

*Izveštaj iz prethodnog stava mora sadržavati:*

- a) prikaz fiskalnog stanja*
- b) uporedni prikaz planiranih i ostvarenih prihoda, izdataka, manjkova i zaduživanja, te objašnjenje eventualnih razlika,*
- c) podatke o korištenju budžetske rezerve, te o datim jemstvima,*
- d) prijedlog mjera za poboljšanje stanja.*

### **Član 59.**

*Služba za budžet i finansije, zadužena za praćenje izvršenja Budžeta, dužna je izvjestiti Općinskog načelnika o izvršenju Budžeta za prethodnu godinu najkasnije do 31.marta naredne godine.*

*Općinski načelnik je obavezan izvjestiti Općinsko vijeće o izvršenju Budžeta za prethodnu godinu najkasnije do 30. aprila naredne godine.*

*Sadržaj izveštaja iz ovog člana mora biti u skladu sa klasifikacijama računa Budžeta, a sadrži:*

- 1. prihode i rashode za fiskalnu godinu koji su odobreni od strane Općinskog vijeća ili naknadno izmijenjeni,*
- 2. ostvarene prihode i rashode tokom godine koji su prikazani tako da se može jasno vidjeti razlika između odobrenog Budžeta i njegovog ostvarenja,*
- 3. početno i završno stanje Budžeta,*
- 4. početno i završno stanje imovine, potraživanja, obaveza i izvora vlasništva,*
- 5. objašnjenje većih odstupanja,*
- 6. podatke o svim poslovima zaduživanja i upravljanju dugom,*
- 7. podatke o korištenju budžetske rezerve, te o jemstvima datim tokom fiskalne godine.*

### **Član 60.**

*Ova Odluka stupa na snagu danom objavljivanja u Službenom glasniku općine Lukavac, a primjenjuje se od 01.01.2016.godine.*

*Predsjedavajući Općinskog vijeća*

---

*Dr. Osmanbegović Dževdet*

*DOSTAVITI:*

- 1. Općinski načelnik*
- 2. Služba za Budžet i finansije*
- 3. Službeni glasnik Općine Lukavac*
- 4. Evidencija*
- 5. Arhiva*